

PENGIDUP DALAM PERINTAH ALLAH TAALA

A. PANSUT ARI PERINTAH SITAN NGAGAI PERINTAH ALLAH TAALA

Kitai udah dilepaska ari perintah kuasa Sitan. Kitai diatu diau ba baruh kuasa ti baru, ianya kuasa Tuhan Yesus.

Lebuh siko orang arap lalu berengkah mansang ba dalam pengidup ti baru di dalam Tuhan, iya lalu tetemu ka semina siti chara ulih ngasaika pengidup di dalam Perintah Tuhan ianya ngaga KAUL ti bendar ENGGAU JESUS (Epesus 1:17; Pilipi 3:10).

Ba pun pengidup baru kitai enggau Tuhan, kaul ti bansa tu mai dua bengkah utai ti bebatang:

1. Pengelepas

Tu kaul ti terubah kitai begulai enggau Jesus. Kitai enda ulih ngelala Tuhan baka Apai tauka pangan kitai, enti kitai enda nemu pasal Jesus ti nyadi pengelepas. Siko orang ti mati ka kitai lalu nyelamat ka kitai ari perintah Sitan. Jesus udah ngidupka kitai ari:

- a. Pechara Tuhan (1 Tesalonika 1:10; 5:9; Rome 5:9).
- b. Kuasa Sitan (SPKR 26:18; Kolosi 1:13; Hebrew 2:14; 1 John 3:8).
- c. Kitai Empu (Pilipi 3:19; 2 Korint 5:15; Titus 3:3-6; 1 Peter 1:18).

“Taja Iya empu endang anak Allah Taala, Iya belajar nunduk ulih pemerinsa ti ditat ka Iya. Lebuh Iya udah digaga nyadi pemadu badas, Iya lalu nyadi ka pun pengelepas ti meruan, ka semua orang ti ngasi ka Iya.” (Hebrew 5:8,9). Pedas mega ba Hebrew 2:10; 2 Timoti 1:10.

2. Tuhan

Ngelala Jesus ti nyadi ka Pengelepas mai kitai masuk ngagai Perintah Tuhan, tang ukai bereti kaul kitai enggau Iya naka nya aja.

Sekali kitai diau dalam Perintah Iya, kaul nya mai ubah baru ti segenda. Diatu kitai nemu Iya ukai semina nyadi Pengelepas, tang nyadi ka Tuhan – Tuhan KITAI! Iya meh RAJA ba dalam Perintah Iya (Kolosi 2:6).

“Aku deka ka kita nemu, nadai siko orang ti di-iring ulih Roh Allah Taala tau nyebut, “Jesus kena sumpah!” lalu nadai siko orang ti ulih ngaku, “Jesus endang Tuhan,” enti Iya enda di-iring ulih Roh Kudus.” (1 Korint 12:3). Pedas mega John 13:13; Rome 1:4; 1 Korint 8:6; 1 Korint 4:5.

Lebuh kitai tama dalam Perintah Penampak, kitai ulih ngasai kebuah kitai digaga – siti kaul ti chukup manah enggau Tuhan. Nya kebuah perkara tu, lebuh Jesus nyadi Tuhan ba pengidup kitai, kitai nemu kuasa Iya ti ba dalam kitai mansut ka kitai ari kacau dosa lalu mai kitai tama ke dalam perintah Iya enggau pengelantang ti bendar. Pedas ba Kolosi 2:9,10; 1 Korint 8:6.

B. PERANAK MENUA TI NYADI TELADAN

“Runding ati kita patut sebaka enggau runding ati Jesus Kristus.” (Pilipi 2:5). Jesus, taja pen Iya Raja ari Perintah nya, Iya sanggup nyadi pemela. Iya nyadi ka chunto bakani sepatut iya peranak negara ti tulin ari Perintah Iya.

“Kita ngumbai aku Pengajar enggau Tuhan, ngena jaku kita nya, laban aku endang amat. Aku tu Tuhan kita enggau Pengajar kita, lalu aku baru udah masu kaki kita. Nya alai kita mega patut masu kaki pangan diri. Aku udah ngaga teladan ka kita, ngambi ka kita ngereja utai baka ti udah dikereja aku ba kita.” (John 13:13-15). Bacha mega John 13:5-17; Mathew 20:26-28; Luke 22:27.

C. BATANG PELAJAR DATAI ARI RAJA

Lebuh kitai nyadi raban Perintah Kristus, reti ia kitai tama dalam kaul antara Tuhan enggau pemela enggau Iya (Mathew 6:24).

Jesus datai ngambika ngereja pengawa nitih ka peneka Apai Iya (Hebrew 10:5-9). Dalam pengidup sehari-hari Iya, Iya nunjuk ka pendiau pengidup Perintah: idup semina ngenyenang ka ati Tuhan (SPKR 5:8-10). Kitai patut bempu ati sebaka ulun, baka Iya ti bempu ati baka siko orang ulun.

Mayuh orang Kristen ti ngenggai ka atur nyadi sebaka orang ulun laban pengawa tu dipeda ngemaruh ka kitai ba mua orang bukai. Tang ba dalam Bup Kudus, kita tetemu ka empat atur ti manah nyadika teladan:

1. Suba Nyadi Ulun, tang diatu udah Dilepas

“Tang diatu kita udah dilepas ari dosa lalu nyadi ulun Allah Taala. Penguntung nya pengidup kita diserah abis ngagai Iya, lalu ba pengujung nya kita bulih pengidup ti meruan.” (Rome 6:22). Bacha mega ba ayat 16:23; 12:1; 1 Korint 7:22; 2 Korint 3:17; Epesus 6:6,7; 1 Peter 2:16.

2. Bisi Upah Ungkup Orang ti Nyadi Pemela

“Orang ti pemadu besai antara kita, enda tau enda nyadi pemela kita. Orang ti ninggi ka diri deka diasuh baruh, lalu orang ti ngemaruh ka diri deka diasuh tinggi.” (Matthew 23:11,12). Peda mega 20:26,27; Mark 9:35; 10:43; John 12:26.

3. Ba Dalam Pamaruh Ati Deka Diasuh Tinggi Agi

“Orang ti pemadu besai dalam Perintah Serega, iya nya orang ti ngemaruh ka diri lalu nyadi baka anak mit tu.” (Matthew 18:4). Peda mega ba dalam Luke 18:14; Jaku Dalam 29:23; James 4:10; 1 Peter 5:5,6; Mathew 19:30.

4. Dalam Ngemaruh Ka Diri, Bisi Kuasa

Pemesai Rome (siko pemesai soldadu orang Rome ti megai lebih ari 100 iko soldadu) datai ngagai Jesus nemu prinsip tu: “... baka nya mega aku empu enda patut datai batang tubuh ngagai nuan. Semina nuan bejaku aja, lalu anemiak aku deka gerai. Aku empu mega dikuasa pemesai ti bukai, lalu bisi mega soldadu ti dipegai aku. Aku ngasuh siko tu, ‘Bejalai’ lalu iya bejalai; lalu aku ngasuh siko nya, ‘Kitu!’ lalu iya datai; lalu aku ngasuh ulun aku, ‘kereja tu!’ iya lalu ngereja utai nya.” (Luke 7:7,8).

Laban Pemesai nya bisi kuasa iya ulih ngena kuasa nya, tang iya sedia ngemaruh ka diri ari baruh kuasa Jesus. Bacha mega ari ayat 1-10; James 4:7.

Gaya pendiaou pengidup Perintah Tuhan ianya pendiaou ti NGEMARUH KA DIRI sereta NGASI KA TUHAN (peda Matthew 12:50; Epesus 6:6; Hebrew 13:21; 1 John 2:17; 1 Tesalonika 4:1).

Kitai nyerahka diri empu nitih ka peneka Tuhan, ENDA enggau asai ati ti lembau tang ngena ati ti takut tauka laban patut, kelimpah ari;

a. Laban Semua Ti Udah Digaga Tuhan Ngagai Kitai (Rome 12:1; Epesus 4:1; Titus 3:4-7).

b. Laban Enggau Ngereja Perkara Tu Kitai Ngasaika Diri Penuh (Masmor 40:8).

c. Laban Kasih (John 14:15; 1 John 5:3).

D. BUAH ARI PERINTAH ALLAH TAALA

“Kita nemu, kami ngibun genap iko kita, baka apai ti ngibun anak iya empu. Kami meransang kita, kami ngelantang ka ati kita, lalu kami majak minta kita ngadu ka pendiaou diri nitih ka gaya ti dikerindu ka Allah Taala, ti ngangau kitai besaum dalam Perintah enggau mulia iya empu.” (1 Tesalonika 2:11,12). Peda mega 2 Tesalonika 1:5.

Di dalam Matthew 21:43, Jesus madah ka Perintah Allah Taala deka diempu orang ‘ti bebuah’. Buah Perintah diterangka nengah beberapa iti ayat tu:

- Pengerindu, pengaga, pemaik (Galatia 5:22,23).
- Pemadas, pengelurus enggau pemendar (Epesus 5:9; James 3:13-17).
- Pengelurus, pemaik enggau pengelantang (Rome 14:17; Hebrew 12:11).

Laban kitai digaga ulih Tuhan, kita mega digaga ka Perintah Iya enggau pendiaou pengidup iya. Buah ari Perintah nya kategal kerja ajih ti datai ari pengada baru ti ditunjuk ka ulih Roh Kudus ngagai kitai (peda Galatia 5:22).

Tanggung pengawa kitai ti nyadi peranak Perintah Tuhan ianya idup nitih ka pendiaou pengidup kitai ti diatu! (peda 1 Peter 2:11).

KOMITMEN AKU

Udah aku belajar pasal pengidup dalam Perintah Allah Taala lalu mereti ka iya, aku nyerah ka pengidup aku awakka mela orang bukai, sebaka utai ti digaga Jesus. Aku nyerah ka diri aku empu nyadi ulun Kristus enggau orang bukai ti taluk sereta penuh pengaga.